

Pampango - Manalangin Dalit - WP Psalms

Dalit 68:1 Talakad ya ing Dios at isambulat na lang kalaban na!
Detang masama king Dios tumakas la ngan king arap na.

Dalit 5:9,10 Uling alang mayayakit a katutuan karing asbuk ding kakung kalaban, mitmu lang kapanyiran; kutkutan la waring e mitambunan; pamanyunu ing karelang sasabian. 10 Atulan mu la't parusan, O Dios ko; sablang babalakan da ya sanang ikabigu ra. King arap mu itabi mu la, uli ning linaban la keka, at ning dakal dang pamikasala.

Dalit 11:6 Pauran yang baya at asupring bubukal karing sablang makasalanan; mapaling angin ing dugpang parusa karela.

Dalit 18:14 Bignus na lang paslu na, at kalaban mikalat la; king kislap ning kildap misambulat la.

Dalit 18:17 Linigtas na ku king mayupaya kung kalaban; karing kalaban a mas masikan kaku.

Dalit 18:39 Dirinan mu kung sikanan king kakung pamkilaban, at tagumpe karing kakung kalaban.

Dalit 18:45 Dakal lang dayuan ding menimutla; gagalgal lang linual karing karelang kuta.

Dalit 27:11 Ituru me, O Ginu, ing sukat kung dalanan; king patag a dalan karin mu ku sa tairan, uling dakal ku kalaban.

Dalit 35:1-8 O Ginu, keka sanang talakaran kakung piamanuan; ding makipate kaku keka la sanang labanan. 2 Kuanan meng sandata mu't kalasag, at saupan mu ku sanang agad. 3 Talnan meng kekang tandus at palakul, laban karing kaku tatagal; kaku, O Ginu, sabian mu king ika ing talapagligtas ku. 4 Mipakarine la sa at milako puri ding sablang bisang makamate kaku; pasiyatas la sa at isip magulu ding ating e mayap a tangka kaku! 5 Maging anti la sanang sepu a ipaid na ning angin, at isambulat ning tubud mung anghel. 6 Bustan mung talusad ya, at dalumdum ing dalan da kabang ing kekang anghel panagalanan na la. 7 King alang sangkan buri da kung dakpan, kinulkul lang malalam ba ra kung patayan; e ku man balu ing sangkan. 8 King e ra kamalayan dugpa sana karela ing kasiran;

king inumang dang lambat sana ila ding marakap, king gewa rang kulkul ila sana ding manakbag!

Dalit 52:5 Oneng ing Dios idala na ka king kasiran a alang angga; ilako na ka king kekang tolda at iyabe karing mete.

Dalit 60:12 King saup ning Dios tagumpe kekatamung kamtan; sambutan na lang kekatamung kalaban.

Dalit 66:3 Sabian iti king Dios, Tutu lang makapagmulala ding kekang daraptan! Uling maragul ing kekang kayupayan, inya duruku la't gagalgal arapan mu ding kekang kalaban.

Dalit 68:35 Karin ketang santuaryu nang tuknangan ing Dios tune yang pagmulalan; karing memalen na yang babie upaya at sikanan. Ing Dios kekatamu yang purian!

Dalit 70:1 Iligtas mu ku ngeni, O Dios ko! O Ginu, agad mu kung saupan.

Dalit 71:13 Mananu na sanang kaku sasalake masambut la at mate; detang magnasang panasakit da ku milako la sana dangalan at mangapakarine.

Dalit 76:12 Ibaba na lang mayabang a prinsipi, at pamatakutan na la ding marangal a ari.

Dalit 118:10 Pedurutnan da ku ding kalaban, oneng king lagyu ning Ginu kaku la ngan deigan.

Dalit 118:12 Anti lang putakti a linusub kaku, mitatau lang kalupa ning talahib; oneng king lagyu ning Ginu gisan ku la ngan!

Dalit 149:8,9 ban igapus king tanikala ding ari da, ding mamuntukan da karing tanikalang bakal; 9 ban parusan la ding bansa antimo ing utus ning Dios. Iti ya ing tagumpe ning balen ning Dios. Purian ya ing Ginu!

**Pastor T. John Franklin
Church of Salvation, Healing, and Deliverance
COS-HAD.org**